

婦科

經脈

嗣育

胎厚

會約醫鏡

未



羅氏會約醫鏡卷十四

湖南整齋羅國綱振占氏著輯

俊賓初氏

胞弟羅國興盛世氏校定

英冠羣氏

男定 鴻泰 編次

經脉門

月經一○婦人之證與男子無異惟經孕婦產崩淋帶漏乳陰之不同耳故別著方論不得渾同

註三脉源
流

明胃爲衝
脉之本

明補血當
補脾

經曰。衝任督爲奇經八脉之三者。亦一源而三岐也。衝脉自少
腹夾臍兩旁而上。諸脉朝會爲血之海。任脉當臍中而上行於
腹前爲陰脉之總任。督脉起自少腹。循背以行於後。爲陽脉之
都。綱夫經本陰血。流行臟腑。歸於衝脉。是衝脉爲月經之本也。
故經云。太衝脉盛則月事以時下。然衝脉之所以盛者。又在胃。
經曰。飲食入胃。游移精氣。上輸於脾。脾氣散精。上歸於肺。通
調水道。下輸膀胱。水精四部。五經並行。是可知血氣之盛衰。本
於水穀之盛衰。而陽明胃經又爲衝脉之本也。故凡血病當用
甘溫之藥。以助陽氣。而生陰血。勿用苦寒。以傷胃氣。并不使六

論血調乃
有子

論血與乳
俱由脾胃

淫七情飲食起居以虧損心脾生化之源則得矣。

經血者陰也。女體屬陰。其氣應月。故三旬而一至。不失其常。自

無病而有子。一有不調。或前或後。或枯或閉。或數或痛。或帶或

崩等證生焉。此際調治。治法詳後必求其源。庶為有益。

婦人經血與乳俱由脾胃所生。穀氣入胃。其清純津液之氣歸

於心。入於脉。變赤而為血。血有餘則注於衝任。而為經水。經水

者陰水也。陰必從陽。故其色赤。稟火之用也。衝為血海。任主胞

胎。陰陽合而成孕。則其血皆移。蔭於胎矣。既產。則胃中清純津

液之氣歸於肺。朝於脉。流入乳房。變白為乳。是稟肺經之色也。

若無男哺則陽明之竅不通。胃中津液仍歸入脉。變赤而爲月水矣。

論經先期二

先期而至者。多屬血熱有火。此固一說。然亦有血虛挾火而預動者。則所重在虛。有中氣脫陷及門戶不固而妄行者。則所重在脾在腎。不得盡言爲火。過用寒涼。當察脉之虛實。人之強弱。證之過與不及。則得矣。

論血熱先期而行

清熱安榮湯 新治血熱先期而行。因於火也。脉證俱實。

當歸 七八分 血熱者宜少用爲引

川芎 八分

麥冬 一錢二分

赤芍 一錢二分

生地二錢 青蒿八分 丹皮七分 甘草六分 地骨皮一錢

水煎熱服若三四劑後不應服黃連黃柏黃芩俱炒等分爲

末蜜丸名三補丸適病而止不得過服若性燥多鬱者加香

附童便炒 陳皮去白 若血虛加熟地五錢 丹參二錢

治肝熱先期者

奇效四物湯 治肝經虛熱血沸騰而先期至者

當歸一錢二分 熟地二錢 白芍半錢 川芎一錢 阿膠炒一錢五分

黃芩一二錢 艾葉八分 若血來而熱加生地青蒿

治誤服熱藥先期者

知柏歸地湯新 治曾誤服辛熱煖宮之藥而血熱者其衝任有

伏火也 當歸 生地 黃柏炒 知母酒浸 木通各一錢

治血虛生熱先期者

治心脾不足經先者

川芎

分七

甘草

分五

赤芍

錢一

或兼服三補丸此涼劑不

得過服適病而止

在前方

人多有之不可不知

六味地黃丸

治血虛生熱以至經不及期而先行者

熟地

兩八

棗皮

山藥

兩各四

茯苓

丹皮

兩各三

澤瀉

兩二

蜜為丸空心白湯下以滋水可兼補血補血兼不得滋水也

平補心脾湯

新

治心脾氣虛不能固攝經血以致先期者

當歸

三五錢若血熱者用錢半

熟地

錢五七

白朮

錢二三

杜仲

鹽炒二錢

枸杞

錢二

白芍

酒炒二錢

甘草

錢一

五味子

蜜炒八分

續斷

酒浸

錢二三

丹參

錢二

水煎服

○凡脉證無火而經先期者乃心

治陰虛經
先者

脾之不足也。此輩極多。若作火治。誤矣。又有中氣下陷而然者。宜四物合補中為妙。

保陰煎 治脉滑多熱。經來先期。及一切陰虛內熱動血等證。

生地

熟地

各二錢

山藥

續斷

黃芩

黃柏

各一錢五分

甘草

一錢

水煎服。

血熱甚者。加黃連。如血滯作痛。加當歸。如

氣滯作痛。去熟地。加陳皮。香附之類。如少年血氣盛者。去山

藥。熟地。○要知此僅可以暫用。但不可以假火作真火。以虛

火作實火也。○所謂經先者。當以每月大概論。所謂血熱者。

當以通身臟象論。勿以素多不調。而偶見早期者為先。勿以

脉證無火而單以經早者爲熱

論經後期

凡血寒血虛者俱後期。然血何以寒。非陰寒由外而入。生冷由內而傷。原由陽氣不足。非春和之時。以致津液不能充盈。故不能如期而至也。彼血虛者。稟賦素弱。飲食減少。其脈必沉細。弦澁。其形必惡寒喜煖。其血自沉黑澁少。此際宜溫之。養之以培根本。而破血行血之藥。毫不可用。

治血虧陽虛後期者

理陰煎

治真陰不足。由於陽虛。故經遲也。

熟地

五七錢或一二兩

當歸

五六錢

甘草

炙一錢

乾姜

炒黃二錢

治氣血兩
虛後期者

或加肉桂

一二錢

水煎溫服。如命門火衰，陰中無陽，內外寒

證，昭然加附子一二錢。○大約寒則多滯，如姜桂、吳茱萸、萆

撥之類，可擇加用，甚則加附子。

十全大補湯 治氣血俱不足，脾胃虛寒，脈弱無神。

人參 白朮

茯苓

甘草

炙

當歸

川芎

白芍

酒炒

熟地

黃芪

蜜炙

肉桂

或等分，或隨證以爲輕重

姜棗引

如火衰加附

子。如形瘦食少，屬脾胃虛弱，用四君子湯加陳皮、當歸、川芎。

如肥人痰滯，用六君子湯加歸、芍、香附。或用參、苓、白朮散加

歸、芍、石菖蒲爲末，搗飯以荷葉煎水糊爲丸，中時米飲下。

四君子湯 人參 白朮 茯苓 甘草

六君子湯 卽四君子湯加陳皮半夏

加味參苓白朮散 人參隨用 白朮二兩 茯苓兩半 山藥兩

五錢 陳皮一兩 蓮肉二兩 當歸二兩 炙草一兩 砂仁八錢 石

葛蒲五錢 川芎七錢

治氣逆血少後期者 香附入物湯 治性急躁怒氣逆血少而後期者

人參或用山藥四錢代之 白朮二錢 茯苓一錢五分 香附童便炒一錢

當歸二錢若血熱者用一錢 甘草炙一錢 白芍酒炒一錢 熟地二二錢

川芎一錢 或加青皮五六分水煎服

通治血寒
後期者

溫經湯

治一切血寒後期者

當歸

錢二三

川芎

錢一

炮姜

分五

白芍

錢半 酒炒

水煎服

凡陽氣不足血寒經遲者色不鮮紅或沉黑或澁少其脉其臟其形必見虛弱無火之證宜用溫養血氣之藥

論經亂常

四

凡經行原有常期一或前或後悉從虛治若妄用剋削及寒涼等劑再傷脾腎以伐生氣則惟有日甚矣

加味四物湯

新

治肝脾血虛微滯微痛一切經亂之證

當歸

錢二

白芍

錢一 酒炒一分

川芎

錢一

熟地

錢二三

陳皮

分八

治脾虛經亂

香附童便炒七八分

丹參二錢

丹皮八分

水煎服如食少有痰加

白水錢半茯苓一錢如血寒加肉桂錢半如血熱加生地黃

芩青蒿之類如肝不藏血加阿膠珠錢半即八珍湯十全大

補湯之類皆可擇用

秘元煎 治脾土虛陷不能統攝榮血而為漏為數等證

遠志八分

山藥炒二錢

芡實炒

棗仁炒各二錢

白朮一錢五分

金櫻子去核二錢

茯苓一錢五分

炙甘草一錢

人參更妙

五味子

十四粒 水煎服如血熱加苦參氣虛加黃芪或用四君子湯

加川芎或用歸脾湯亦可○若陰虧火盛或夜熱盜汗煩渴

治心脾氣
結經亂

咳痰等證是即勞損之漸速宜補腎水以濟火若徒知用四
物以補血亦屬無益之後著也

逍遙飲 治所念不遂沉思積鬱心脾氣結漸成枯閉者

當歸 二錢

白芍 一錢五分

熟地 三錢五分

棗仁 炒錢半

茯苓 錢半

陳皮 八分

志肉 五分七

甘草 炙一錢

水煎服

治腎傷經
亂

補陰益腎湯

新治房勞傷腎衝任不固以致經亂者

熟地 三錢五分

山藥 二錢

兎絲子 炒研三錢

棗皮 一錢五分

五味子

十五粒

杜仲 鹽炒一錢五分

金櫻子 去核二錢

續斷 當歸 各二錢

荷杞 半錢

水煎溫服如血不時來加百草霜髮灰調服此方

若作丸服更妙。但須節慾。乃得全愈。○經血無故不止。用蓮蓬殼燒灰存性。爲末。水調二錢服。

論經期腹痛

五

當分虛實

經行腹痛。證有虛實。實者。有因寒滯。熱滯。有因血滯。氣滯。虛者。有因氣虛。有因血虛。然實者。痛於未行之前。經通而痛自減。虛者。痛於既行之後。血去而痛益甚。大都可按者。爲虛。拒按者。爲實。或實中有虛。虛中有實。此非言所能悉。當於形氣脈息兼而辨之可也。

治經滯氣逆

調經飲

治經血阻滯。氣逆不調。多痛而實者。

治氣滯血
停作痛

當歸

三錢

淮牛膝

二錢

香附

酒炒一錢

元胡

炒一錢

山楂

半錢

茯苓

半錢

陳皮

去白一錢

水煎

加酒服。如傷生冷而寒滯者加

肉桂

吳茱萸之類。如兼脹悶者加厚樸或砂仁亦可。如氣滯

加烏藥。如痛在小腹者加小茴。

導滯湯

新

治血因氣滯而停。瘀積作痛。拒按屬實者。

香附

酒炒二錢

元胡

炒錢五分

歸尾

二三錢

木香

四分

澤瀉

半錢

紅花

炒黃一錢

淮牛膝

酒炒

桃仁

去皮各錢五分

蘇木

一二錢

水煎

加酒服。如血通瘀下。停藥勿得過服。如火盛內熱血燥切痛

者加炒梔子二錢。如微熱者加白芍錢半。如瘀極而大便燥

治虛弱痛經

結者加大黃二三錢不應加芒硝蓬朮如寒凝作痛加肉桂一二錢或吳茱萸一錢○以上諸證必實見其有滯無虛方可用之若或兼虛勿行剋伐以傷脾腎

決津煎

治虛弱經滯作痛此用補為瀉若江河一決積垢皆

去之妙劑也

當歸

錢三五

牛膝

錢二

肉桂

錢二三

烏藥

錢一

澤瀉

錢一五分

香附

錢一五分

水煎服如血滯加酒炒紅花一錢如小腹寒而

痛極者加吳茱萸如大便瀯結加肉苳蓉威參潤之

大柴煎

治痛在經後多由血虛宜察其寒熱以為佐使

治經後血虛腹痛